

आकाशवाणी

1. इजराइल दे दिमोना ते नेगेव परमाणु अनुसंधान केंद्र दे आले-दोआले मिसाइलां दागियां गेइयां।
2. अमरीकी राष्ट्रपति डॉनल्ड ट्रम्प होरें ईरान गी धमकी दिती ऐ जे ओह जेकर 48 घंटे दे अंदर होमुर्ज जल डमरू मध्य गी नेई खोलदा तां अमरीका ईरान दे बिजली संयंत्रें पर जबरदस्त हमले करोग।
3. सरकारें दरम्याने दर्जे दे लौहके ते भलेआं लौहके उत्पादकें दे निर्यातकें गी समर्थन देने गितै म्यूचुअल क्रेडिट गैरंजी स्कीम च किश बदलाव कीते न।
4. भाजपा नै पुदुचेरी विधानसभा चुनांस आस्तै अपने मेदवारें दी पैहली सूचि जारी कीती। एहदे च 10 चा 9 सीटें लेई मेदवारें दे नां शामिल न।
5. अनाहत सिंह नै इंडियन ओपन स्क्वैश प्रतियोगिता दे महिला सिंगल सेमीफाइनल च तन्वी खन्ना गी 3-1 कन्नै हराया ते फाइनल च थहर बनाई।

<><><><><><>

Iran-Dimma

ईरानी मीडिया नै दावा कीता ऐ जे इजराइल दे दिमोना ते नेगेव परमाणु अनुसंधान केंद्र दे आले-दोआले मिसाइलां दागियां गेइयां न। दस्सेआ जा'रदा ऐ

जे एह हमले ईरान दे बुशहर ते तनान्ज स्थित परमाणु संयंत्रों पर अमरीका-इजराइल दे हमले दे बदले च कीते गए। हालांकि इजराइली अधिकारिण परमाणु सरबन्धी थाहरें पर कुसै बड्डे नुकसान दी तसदीक नेई कीती ऐ पर व्यापक ब्हाई रक्षा गतिरोध दी जानकारी दिती ऐ। इस दरान संयुक्त अरब अमीरात च रास अल खैमाह दे अधिकारिण तसदीक कीती ऐ जे वायु रक्षा प्रणालिण औने आहले खतरे गी सफलतापूर्वक निष्क्रिय करी दिता।

<><><><><><>

Trump-Ultimatum

अमरीकी राष्ट्रपति डॉनल्ड ट्रम्प होरें ईरान गी धमकी दिती ऐ जेकर 48 घण्टे दे अंदर-अंदर होमुर्ज जल डमरूमध्य गी नेई खोलदा तां अमरीका ईरान दे बिजली संयंत्रों पर जबरदस्त ते खतरनाक हमला करोग ते उनेंगी पूरी चाल्ली तबाह करी देग। ट्रम्प होरें एह धमकी द्बुथ सोशल मीडिया पर दिती जेदे च उनें ईरान गी महत्वपूर्ण पानी आहले रस्ते खोलने आस्तै 48 घण्टे दा समा दिता। ट्रम्प होरें आखेआ जे अमरीका ईरान दे बक्ख-बक्ख बिजली संयंत्रों गी निशाना बनाग जेदी शुरूआत सबनें थमां बड्डे संयंत्रों पर हमले कन्ने होग।

<><><><><><>

ISRAELI-PM Talks

इजराइल दे प्रधानमंत्री बेंजामिन नेतन्याहू होरें अराद मेयर याएर मायन हुंदे नै गल्लबात कीती ते इजराइल कोल डीमोना ते नेगेव परमाणु अनुसंधान केंद्र पर

ईरानी हमले पर घायल होए दे ओहदे लोकं लेई प्रार्थना कीती। इजराइल दे विदेश मंत्रालय आसेआ जारी जानकारी मुजब इस हमले च 100 कोला मते लोक घायल होए दे न जिंदे च केई बच्चे बी शामिल न। अपने इक सोशल मीडिया पोस्ट च इजराइली विदेश मंत्रालय नै आखेआ ऐ जे ईरानी हकूमत नै अराद ते डीमोना अपनी कार्रवाई दरान जानी बुज्झियै आम लोकें गी निशाना बनाया ऐ ते उंने पर मिसाइली हमले कीते न।

<><><><><><>

Govt. LPG

सरकारै राज्यें गी कारोबारी एलपीजी आस्तै 20 फीसद बाद्दू बंड गी मंजूरी देई दिती ऐ। एहदे कन्नै कुल बंड 50 फीसद होई जाहग। एहदे च पीएनजी विस्तार आस्तै सुधारें दे आधार पर 10 फीसद आवंणन बी शामिल ऐं एहदे च रेस्तरां, ढाबे, होल, औद्योगिक कॅपीन, डेयरी, रियायती कॅपीन ते राज्य या मुकामी निकाएं आसेआ संचालित होर खेत्रें गी तरजीह दितती जाहग। पेट्रोलियम ते कुदरती गैस मंत्रालय दे सचिव नीरज मित्तल होरें सारे राज्यें ते केंद्र शासित प्रदेशें दे मुख सचिवें गी चिट्ठी लिखिए आखेआ ऐ जे एह बंड सोमवार थमां लागू होगं सारे बवसायिक ते औद्योगिक एलपीजी उपभोक्ताएं गी तेल कंपनिं कन्नै पंजीकरण करोआना होग। सरकारै भरोसा दोआया ऐ जे मुख च पेट्रोल, डीजल जां एलपीजी दी कोई कमी नई ऐ।

<><><><><><>

India-Africa Electricity Summit

भारत विद्युत शिखर सम्मेलन 2026 दे त्रीए दिन कल नमीं दिल्ली च भारत-अफ्रीका रणनीतिक सांझेदारी बैठक आयोजित कीती गई। बिजली मंत्री मनोहर लाल हुंदी अध्यक्षता च होई दी बैठक च अक्षय उर्जा राज्यमंत्री श्रीपद नाइक, हरियाणा दे मुखमंत्री नायब सिंह सैनी, मालवी दे उर्जा ते खनन मंत्री जीन मंथांगा ते केई अफ्रीकी मुखें दे मंत्री ते औद्योगिक नेता मौजूद हे।

<><><><><><>

MCGS-Modify

सरकारै बज 2025-26 दरान सब्बनें दरम्याने, लौहके ते भलेयां लौहके उत्पादकें ते निर्यातकें गी समर्थन देने गितै म्युचुअल क्रेडि गरींपी स्कीम एम.सी.जी.एस च किश बदलाव कीते न। खजाना मंत्रालय आसेआ जारी इक बयानै मुजब इनें बदलावें कन्नै इनें उत्पादकें ते निर्यातकें पर बादू बोझ घट् होग, कवरेज दा दायर बरोग ते निर्यातकें लेई लक्ष्य आधारित प्रोत्साहन उपलब्ध होंगन। नमें तैह कीते गेदे नियमें मुजब एम.एस.एम.ई आसेआ दिते जाने आहली अपफ्रं कंट्रीब्यूशन हून रिफंड होई सकोग ते एहदे रिफंड दा तरीका चौथे बरे कोला अग्गे हर बरे 1 प्रतिशत दे साब्बै तैह कीता गेआ ऐ ते एह दोआर कर्जे गी लेइयै एम.एस.एम.ई दे कारकरदगी पर निर्भर करोग।

<><><><><><>

BJP-Pudducherry

भारती जनता पार्टी नै पुदुचेरी विधानसभा चुनांस आस्तै अपने मेदवारें दी पैहली सूचि जारी करी दिती ऐ। एहदे च 10 चा 9 सीटें लेई मेदवारें दे नां शामिल न। दिल्ली च पार्टी दे राष्ट्री अध्यक्ष नितिन नवीन हुंदी अध्यक्षता च होई दी उच्च स्तरीय बैठक मगरा एह सूचि जारी कीती गई। भाजपा दे राष्ट्री महासचिव अरुण सिंह हुंदे आसेआ जारी इक प्रेस विज्ञप्ति मूजब बैठक च प्रधानमंत्री नरेंद्र मोदी, रक्षा मंत्री राजनाथ सिंह, गृह मंत्री अमित शाह ते केंद्री चुनांस समिति दे सारे सदस्य मजूद हे।

<><><><><><>

BJP-List

भारती जनता पार्टी नै केरलम विधानसभा चुनांस आस्तै 11 मेदवारें दी त्री सूचि जारी करी दिती ऐ। इस सूचि च कोवलम विधानसभा सोयां पी.एन सुरेश, पीरूमाड़े सीटें थमां वी. राथीश, मावेलिककारा थमां अजीमोन, अरू विक्कारा सीटें थमां विवेक गोपन ते चावरा सीटें थमां के.आर राजेश हुंदा नां शामिल ऐ। भाजपा दी केंद्री चुनांस समिति नै मेदवारें दे नाएं गी खीरी रूप दिता ऐ।

<><><><><><>

BJP-Assam

भारती जनता पार्टी दी केंद्री चुनांस समिति नै असम च आँदे विधानसभा चुनाएं लेई दो मेदवारें दी अपनी दुई सूचि जारी करी दिती ऐ। एहदे मूजब कृष्णा साहा

दल गांव विधानसभा क्षेत्र सोयां ते जीवन गगोई सिसिवर गांव विधानसभा क्षेत्र
थमां चुनां लड्डन।

<><><><><><>

Squash

स्क्वॉश च मौजूदा चैंपियन अनाहत सिंह नैकल मुम्बई च इंडियन ओपन
पी.एस.ए स्क्वैश टूर कॉपर प्रतियोगिता दे महिला सिंगल्स सेमीफाइनल च
तन्वी खन्ना गी 3-1 कन्नै हराया। फाइनल मुकाबले च अज्ज अनाहत दा
मुकाबला मिस्र दी हाना मोअताज कन्नै होग। मर्दे दे सिंगल्स च भारत दे वीर
चो॰रानी नै मलेशिया दे संजय जीवा गी 3-1 कन्नै हराइयै फाइनल च थाहर
बनाई ऐ।

<><><><><><>

Cricket

भारती क्रिके॰ कंट्रोल बोर्ड बी.सी.सी.आई नै इस बरे जून म्हीने च आयरलैंड
खलाफ दो टी-20 अंतरराष्ट्री मैचें दी श्रृंखला सीनियर भारती टीम दा कार्यक्रम
जारी करी दितता ऐ। एह मैच 26 ते 28 जून 2026 गी आयरलैंड दे
बेलफास्॰ च खेड्ढे जाडन। भारती टीम पिछले 8एं बरें च आयरलैंड दा त्रै बारी
दौरा करी चुकी दी ऐ अजें कि 2007 दे बाद बेलफास्॰ च एह टीम पैहली बारी
मैच खेडग।

<><><><><><>

IMD

मौसम विभाग नै अज्ज उपहिमालयी पच्छम बंगाल ते सिक्किम च किश थाहें पर बिजली पौने ते तेज ब्हा चलने दी मेद दस्सी ऐ। विभाग नै गंगा दे मैदान, पच्छम बंगाल, मिजोरम, त्रिपुरा, ओडिशा ते पच्छमी राजस्थान च बी दिन भर ऐसी गै स्थिति रौहने दा अनुमान जताया ऐ। तोआई, केरलम ते माहे च कल तगर गर्म ते उमस आहला म्हौल बने रौहने दी मेद ऐ।

<><><><><><>